

# Guangjisi Minzcu Bau

ganhhau: CN45-0036 B.2015 Nd.7 Ng.15 liggaueq ietfeih nienz ndwenngux samcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3182期

## Lozcwngz: Vatgud, Cingjleix Nem Henhoh "Feihyiz" Cingzcik Lai

### 罗城: 挖掘、整理和保护“非遗”成效多

Gaenh bi daeuj, Lozcwngz Mulajcu Swciyen yawjnaek hong vatgud, cingjleix nem henhoh feihvuzciz vwnzva yizcanj, gungh soucomz gij swliu saw "feihyiz" 6 fanh lai cih, swliu ingjsiengq 60 aen cungdaez doxhwnj, swliu loegyaem 30 lai aen cungdaez, doz 800 lai mbaw, baugvat vwnzyoz ndawbiengz,

yinhoyz ndawbiengz, foux ndawbiengz, dinfwngz ndawbiengz, dijuoz doxdax daengj feihvuzciz vwnzva yizcanj 10 daih loih 1015 hangh. Cietyihfan Mulajcu ndaej lied haeuj guekgia daih'it buek feihvuzciz vwnzva yizcanj henhoh hanghmoeg; gogeq Mulajcu, dinfwngz dajsiuq Mulajcu, fouxlungznyangj Mulaj-

cuz, cietbaebo Mulajcu, dinfwngz aeu namhmeiz guh guenq, sibgveng gietvaen Mulajcu daengj 6 hangh ndaej lied haeuj swcigih gaep feihvuzciz vwnzva yizcanj henhoh hanghmoeg; miz 11 hangh ndaej lied haeuj Hozciz Si feihvuzciz vwnzva yizcanj henhoh hanghmoeg.

(Veiz Yuzdai/韦如代)



### Duh'anh: Aenciet "Cuzcuhez" Yauzcuz Yinx Hekyouz Guekrog Camgya

#### 都安: 瑶族“祝著节”吸引外国游客

7 nyied 10 hauh, Duh'anh Yauzcuz Swciyen youq Disuh Cin Hinghli Cunh Mbanjdouzieng gawjbanh Bunujyauz "Cuzcuhez" vwnzva lijyouz hozdung, yinx le 5000 lai vunz camgya. Hozdung miz doiq fwen yienj dwzgi minzcuz yizsi baiq cojcoeng minzcuz diuq foux minzcuz gwn ngaizdonq Yauzcuz daengj. Vwnzva minzcuz noengzna, yisuz minzcuz ndawbiengz lai cungj lai yiengh, neix yinx le hekyouz guekrog hix daeuj camgya. Ndaw doz dwg baux hekyouz guekrog ndeu(baux aemq daeh) cingq caeuq dahsau Yauzcuz doengzcae roq gyong.

(Hanz Ginhdoi/韩金泰 ingj)

## Lingzyinz: Sawj Vunz Saujsu Minzcuz Lai Maij Ndaem Gosangh Ciengx Nonsei

### 凌云: 助推少数民族群众种桑养蚕实效显著

Gaenh bi daeuj, Lingzyinz Yen ciuq dieg hengzguh, heuh vunz saujsu minzcuz haenqrengz dajndaem gosangh ciengx nonsei, baij doengh-boux gisuz guzgan bae diegwnq hag gisuz senhcin, youq lajmbanj guh gisuz beizyin, hawj vunz saujsu minzcuz lajmbanj caencingq gaem-dawz gisuz dajndaem gosangh ciengx nonsei, caen ndaej souh'ik.

2007 nienz, aen yienh neix yinx baux roengzngaenz baihrog

daeuj banh aen cangj cauhsai (Gvangsijh Yijdwngz Cauhsai Youjhan Gunghsw), gajgez baux ciengx nonsei gai reh vwndiz, hawj baux ciengx nonsei mbouj yousim, vunzlai engqgya maij ndaem gosangh ciengx nonsei, seizneix ndaem gosangh ciengx nonsei gaenq baenz aen hanghmoeg hung hawj gak minzcuz ginzung baenzfouq laisou. Dangq-naj, Lingzyinz Yen ndaem miz 8 fanh moux suen gosangh, suen gosangh

ndaej mbaet mbaw gueng non de miz 5 fanh lai moux. 2015 nienz, daengx yienh dajsuenq ciengx nonsei 5 fanh dungh, reh moq canjlieng 4 fanh rap, guh ranz moq ciengx nonsei 2 fanh bingzfanghmij, guj bi canjiz 7600 fanh maenz doxhwnj. Dangqnaj, aenreh moix goenggaen 40 maenz, daengx yienh 2015 nienz daih'it buek reh gai ndaej 200 fanh maenz doxhwnj.

(Siuh Fazlingz)

## SIUSIK DINJ

### 简讯

● 7 nyied 11 hauh, miz bang cunghyozswngn ndeu daj Ouhcouh Meijgoz daeuj daengz Gunghcwngz Yauzcuz Swciyen ngonzyawj fungh-gingj nem guh hozdung doxgyau vwnzva, gyoengqde youq nungz-gyahloz, guh hong reihnaz, caeuq lauxsae dangdieg hag vehveh nem diuq foux mauhnggeq, gyoengq hagseng de gig gyaemaij gij vwnzva Yauzcuz gig geizheih neix.

(Liengz Veih Hoz Ginh)

● Geij ngoenz gonq, Swcigih Minzveij ok dunghcih, dings Vangzsi Cizdonz Gujfwng Youjhan Gunghsw, Gvangsijh Nanzfangh Gijgwng Raz-ndaem Youjhan Gunghsw, Gvangsijh Vujfungh Haeuxgwn Cizdonz Youjhan Gunghsw daengj 22 aen minzcuz canjbinj giyez nem Sanglinz Nanzvaz Dangzyez Youjhan Gunghsw, Gvangsijh Ginhui Nungzyez Cizdonz Youjhan Gunghsw daengj 2 aen minzcuz mouyi giyez guh "daengx guek minzcuz mouyi nem minzcuz dwzsih sanghbinj swngheanj cien aen beizyuz giyez".

(Vangz Sinhyungz)

● 7 nyied 8 hauh, Gvangsijh Swzsan Cungjvei Cinz Gwzfu misuh-cangj daiq Liujcouh Si Swzsanvei 4 baux vunz daengz Yungzsuiz Myauzcuz Swciyen vih Baujmaij Gihginhvei cazyawj doenghboux daihhagseng gungzhoj. Bineix Baujmaij Gihginhvei gungh coengh aen yienh neix 13 baux daihhagseng moq, gungh coengh 13 fanh maenz.

(Yauz Huij)

● Daj bineix daeuj, Liujcwngz Yen Gujcai Mulajcu Yanch okmoq guenjieix mozsi, youq cunh mbanj ndaem faexrum, cwngzyau yienhda. Youq henz roen, cunh mbanj yougaenj lingh guh byauhyij 200 lai diuz, comz ganbu ginzung 3.8 fanh vunzbaez roengz cunh mbanj bae cazyawj veiswng. Youq daengx yangh 37 aen cunh mbanj guh hong ndaem faexrum, gungh ndaem dinfaex 11980 lai go.

(Liu Gvanvaz)

● Bineix buenq bi gonq, Lozcwngz Mulajcu Swciyen Gungsiuhse gungh gai huq 1.28 ik maenz, beij bi' gvaq doengzgeiz gyalai 13.5%, ndawde gai doenghyienh swngheanj swliu hawj nungminz 6400 fanh maenz, beij bi' gvaq doengzgeiz gyalai 12.8%.

(Vangz Canghvaz)